

Lelaki tidak mengaku bantu uruskan tempat perjudian

MIRI: Mahkamah Majistret di sini, semalam memerintahkan seorang lelaki dibebaskan dengan jaminan RM1,500 berserta seorang penjamin tempatan setelah mengaku tidak bersalah atas tuduhan membantu menguruskan tempat perjudian.

Mahkamah kemudian menetapkan 2 Mei depan sebagai tarikh pengurusan kes.

Muhammad Islam Abdullah, 34, dari Batu 70 Jalan Sibul-Bintulu, Balingian, telah didakwa membantu menguruskan tempat perjudian den-

gan mengendalikan sebuah telefon bimbit.

Dia didakwa melakukan kesalahan itu pada jam 6.30 petang, 29 Mac lalu di tingkat bawah sebuah lot kedai di Desa Indah 3 Bandar Baru Permyjaya di sini.

Bagi kesalahan itu, tertuduh telah didakwa mengikut Seksyen 4 (1) (c) Akta Rumah Judi Terbuka 1953 dan dihukum di bawah akta yang sama.

Jika sabit kesalahan, boleh didenda tidak kurang RM5,000 serta tidak me-

lebih RM50,000 dan penjara tidak melebihi tiga tahun dan sebagai tambahan denda tidak kurang daripada RM5,000 dan tidak melebihi RM50,000 bagi setiap mesin atau perkakas perjudian yang dirampas.

Pendakwaan dilakukan Inspektor Mudzilawati Abdul Rahman di hadapan Majistret Randu Rangen.

Dalam perkembangan lain, Agensi Antidadah Kebangsaan (AADK) Sarawak akan membuka sesi lawatan khas untuk keluarga atau

penjaga klien AADK yang sedang mengikuti Program Rawatan dan Pemulihan Dalam Institusi (RPDI) pada 15-19 April ini.

Menurut kenyataan AADK, ia dijalankan di semua 30 Pusat Pemulihan Penagihan Narkotik (PUSPEN) di seluruh negara.

“Sesi lawatan keluarga sempena sambutan Hari Raya Aidifitri ini bertujuan merapatkan hubungan antara klien dengan keluarga, mendapatkan sokongan moral dan emosi.